



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

De Præcepto Communionis. Cap. V.

urn:nbn:de:hbz:466:1-40132

¶. g. particulas consecratas, cum renovatur Sacramentum, vel propter similem necessitatem id fiat, licitum esse, immo pium, nulla est dubitatio. Ratio autem nostri dicti ducitur,

^a Henr. l. 8. c. 43. sive ex a usu antiquo Ecclesia in re gravi, sive ex periculo, quod posset sensim introduci superstitio, vel opinio aliqua nova, de virtute X.G.Hurt hujus Sacramenti, nam propterea Inquisitor & Vasq. II. res solent contra id facientes diligenter procedere. Audi b Vasquez sic loquentem.

^b Vasq. I. Quamvis id seculo scandalo, non per se illicitum sit, curandum tamen esset, ne major quantitas specierum mulieribus ignorantibus daretur. Quia licet tolerabilis esset usus propter opinionem aliquorum, tamen introduci posset falsa opinio de veritate hujus Sacramenti, ut eo major existimatetur, quo plures essent species panis, aut quo major quantitas illarum esset. Hac Vasquez.

In quibus. Nona illud, licet tolerabilis esset; non enim dicitur; licet sit, sed, esset; quasi dicat, Concedatur gratis, esse tolerabile, non est ramen faciendum, propter dictum periculum.

6. Volo item, ut adnotes, licet hoc periculum non obstat in vitro Theologo, & docto: tamen contra hunc militari tam primam rationem de usa Ecclesiae in re gravi.

7. Solum excusarem illum, qui libentius grossiore hostiam, vel aliquid plus vini in Calice ponaret motus à dicto fine habendi diutius apud se Christum Dominum, modò non excedat hostiae, vel vini quantitatem, plus, minusque apponi solitam, excusarem, inquam, propter ejusmodi devotionis affectum, at si excedat, excusare non possem; sic enim dictum usum Ecclesiae non custodiunt.

8. Neque obstat major devotio ex diuturniore mora Christi Domini, neque obstat, inquam, quia si quater v. g. in die communicares, etiam major esset devotio, & diuturnior Christi presentia, nec tamen id faciendum, quia non est negligendus usus Ecclesiae, semel communicandi in die. Judicatur enim satius esse, has rationabiles, & reverentias Christo debitas consuetudines ad unguem servare, quam illegitimo illi, ut sic loquar, affectui devotionis indulgere: præsentim cum ea devotio alia via possit, puta bonis operibus, & ferventibus animi moribus compensari.

CAPUT V.

De Præcepto Communionis.

1. **D**Uplex præceptum alibi diximus esse de fuscipenda Sacra Eucharistia, scilicet in e periculo mortis, & d in c In Opus Paschate, ibidemque sufficienter egimus de d Comm. utroque.

Advettere tamen liber duo. Alterum pertinet ibi c. 4. nens ad Communionem in periculo mortis, §. 4. à n. alterum ad Communionem in Paschate. 44.

§. I.

An in periculo mortis aliquando licet communicare sub speciebus SS. Sanguinis?

1. IN aliquo casu ita necessario, ut debeatur Fidelis decadere ex hac vita sine Viatico, nisi communicaret in utraque specie, vel nisi communicaret in solo Sanguine, quod evenire posset, quando infirmus non haberet vires deglutiendi Sacram Hostiam, sed solidae res liquidas, puta vinum, vel hostiam vino madefactam. In aliquo, inquam, ejusmodi casu, id liceret?

2. Respondeo, Concedit esse probabile in tanta necessitate Leander & citans alios, & in e Leand. tert ceteros Nunnum, qui ramen requirit con- Tr. 7. diff. sensum Episcopi. Cum autem Leander lo- 11. qu. 31. quatur absolute, videtur id concedere, etiam si infirmus receperit Sacramentum Pœnitentia, vel Extremae Unctionis, arque adeo, etiamsi probabiliter judicaretur esse in statu gratiae.

3. Verum negant Suar. Fagundez, Grana- f Suar. do, aliqui, quos ego malim sequi, quia, quod Fag. Gr. Pontifex Summus aliquibus, quos enumerat aliisque citatus Leander, id concesserit in nonnullis apud Le- casibus ab eodem enarratis, jam scio: At, quod and. l.c. semper pro proximè morituris non valenti- bus hostiam absumere, Pontifex in Ecclesia Latina dispensaverit, nunquam legitur. Immo tum ex ejusdem Ecclesiae more, quæ in reverentiam tanti Sacramenti semper vult, ut illud ministretur debitibus modis, tum ex Tridentino g, quod integrum hoc negotium, g Trident. concedendi alicui Nationi, vel Regno, utram- sess. 22. f. que speciem, remittit singulari Prudentiae ne. Summi Pontificis ostenditur, nolle Ecclesianam

LIBER QUARTUS DE EUCHARISTIA.

50
concedere ejusmodi facultatem, nisi hic, &
nunc Summus ipse Pontifex, causis expensis,
expressè concedat, non autem id remitti cui-
cumque pro dicta necessitate motientium.

*a Delugo
in Ref.
Mor. lib. 1.
dub. 10.
nu. 2.*

4. Post hæc scripta incidi in *Responsa*
*Moralia Ioannis Delugo a negantis cum
Suario, posse dari Sanctissimum Sanguinem
motuendo non potenti Sacram Hostiam de-
glutire.*

5. Addo duo: Primum, in eo casu posse in-
firmo non potenti sicciam hostiam absumere,
tradi exiguum particulam hostiæ consecratæ
intinctam vino non consecrato, nam sic faci-
lè posset eam deglutire, & ex alia parte pro
Viatico non requiritur jejunium rigorosum
naturale, &c.

*b Leand.
l.c. qu. 30.*

6. Secundum, non propterea *b* prohiberi,
laicum assumere Calicem, si forte mortuo
Sacerdote esset periculum, ne indignè Sa-
cer sanguis tractaretur ab Hæreticis, vel ne
verteretur in acetum, vel ne, casu projectus
in terram, non esset Sacerdos, qui posset lambere,
vel sumere. Nam tunc reverentia ipfa,
Sacramento debita, de jure naturæ requirit,
etiam à laico posse reverenter abstuni. Qua
dispositione animi vide in *Opusc. c* nostro de
communione.

to to C. b.

§. II.

*An posset concedi dispensatio De non communica-
cando in Paschate?*

1. *E*narrabo, ut id explicem, casum olim
mihi propofitum. Versabar Agrigentii
ob quedam nostri ordinis negotia, ab Eminentissimo Cardinali Rodolfo, per id tempus
Agrigentino Episcopo, expedienda: Dices erant,
quibus feria Paschales celebrabantur;
Quando ex vicinis oppidis quidam Diœceſanus
Agrigentum accessit, postulans ab Epis-
copo, vel Dispensationem non communicandi
in Paschate, vel communicandi non jeju-
ne. Aſſerebat enim ex medicorum scripto te-
ſtimonio, le non posse abiq; notabili, ac gra-
viſimo vitæ periculo, vel paucas horas sine
nova cibi assumptione transfigere. Quare, aut
Communionē eo Paschali tempore omittere,
aut cibatum communicare oportet. Magna
exorta est disputatio in Episcopi aula inter illos,
five Theologos, five Canonistas, qui
Cardinali aſſidebant, aliquibus alterentibus

debere huic concedi facultatem communica-
candi non jejunum, ut Praecepto de Commu-
nione Paſchali ſatisfaceret, aliquibus contra
contendentibus, ſatiuſ fore, si concederetur
dispensatio non communicandi, ne ſcilicet
violaretur præceptum tam antiquum, & tam
debitum reverentiae hujus Sacramenti de Co-
municando jejune. In tāta perplexitate, quod-
nam ex duobus hiſce præceptis, prævaleret,
quodque alteri cedere deboret, dubitatum per
plures horas fuit. Ecce autem cuidam ex illis
menti occurrit hominem ē Societate JESU
per eos dies Agrigentī commorari; quare id
aliis ſuggeſſit, qui communī consenſu Reve-
rendum Archidiaconum Don Joannem Gi-
ſutum, in cuius ego domo exceptus hospita-
bat, à me ſcicitatum miferunt, quid ego de il-
la quæſtione ſentire. Equidem fateor, me
tuū ſatis juvenem, nec valde in ejusmodi
moralibus quæſtionibus inſtructum, haſſe
ad poſtulatum. Verum, (ut ſolet in ſubitis ca-
ſibus) non quidem ingenium, (quod admo-
dum tenue mihi inelle animadverto) ſed re-
ſpondendi neceſſitas viam aperuit ad ſatisfa-
ciendum poſtulantibus ſatis expeditam. Ita-
que respondi, mihi videri, in proposito caſu E-
minentissimum Dominiū neutrū ex dictis
præceptis poſſe, vel debere diſpenſare, cum u-
trumque probè valeat ab infirmo illo Diœceſ-
fano ſartum teſtum cuſtodiri. Poterit enim is
prædicta fame, nec alia (ut idem ipſe fateba-
tur) infirmitate laborans, aliquid cibi ſumere
ante medianam noctem, & poſt unam, vel alte-
ram ſequentis diei communicare, cum jam
ſit, quoad ſequentem illum diem ſatis, ſuper-
que jejunus. Plauſum dedit, etiam manibus,
nec ſolum voce, ad responſionem Archidia-
conus. Et, O, quam quam bellè, inquit, & ex-
pedite utriq; præcepto ſatisfactum eſt, quo-
rum neutrū Eminentissimus Cardinalis diſpenſare
meritò haſtenus recuſavit. Sic ille,
nec amplius, tum ipſe, tum alii de ea quæſtio-
ne (cuinam facilius ex illis duobus præcep-
ti diſpensationē concedi, licet) fucre ſol-
liciti.

2. Poſt̄ ego illi plauſui nihil arridens, era-
bui, non, ut putavſt Archidiaconus, ob con-
ceptam ex dato plauſu modeſtiam, ſed prop-
reca, quod quæſtionem illam, ut de ea erat
directa poſtulatio, ſi forte amplius iſtitueret,
evoluere, neſcivissem. Quare refedit animo
propositum, ubi opportunitas librorum mihi
ſuppe-

suppereret, diligenter perscrutandi, eequidam Doctores de illa decernerent. Verum, ut in similibus sit, cum aliis fuisse distractus negotiis, studiisque, a mente proflus excidit penitusque refrixit ardens illud inquirendi desiderium: nunc vero, dum post triginta quinque ferè annos haec scribo, in mentem tempore vivit edit antiquum illud propositum, autemque vellicat, ut breviter in lectorum gratiam id meo more discernam.

3. Præmittendum est, præceptum assu-
mendi Eucharistiam jejune, et totum Ecclesiasticum, ut docent omnes communis calcu-
a S. Thom. lo Theologi, a communicandi vero in Pa-
Vafq. Sua. schate esse partim Ecclesiasticum, sed ex ori-
Gran. Del. gine, Divinum: quatenus scilicet CHRI-
alique cit. STUS Dominus præceptum adultis dedit
a Leand. communicandi aliquoties b in vita, (nec fo-
Tr. 7. de lulum semel, ut e aliqui minus probabiliter pu-
Euchar. tant) in illis verbis: *Nisi manducaveritis Car-
2. q. u. 2. nem filii hominis, non habebitis vitam in vobis.*
quibus ad- Sed quia tempus non determinavit, ideo Ec-
de Delugo clesiis suo præcepto prædictum tempus pro
d. 15. de adultis designavit, affixitque Paschalibus fe-
Euchar. tis. Ex his jam colligis, urgentius, ac fortius
præceptum esse de communicando in Pa-
b S. Thom. schate, quam de communicando jejune.
Suar.

4. His habitis, dico Primo, Summum
Gran. Pontificem (nam mox de Episcopo) posse fa-
Va. q. alii- cilium dispensare præcepto de jejune commu-
q' e apud nicando, quam præcepto de communicando
Leand. ci- in Paschate. Pater ratio ex dictis, quia in prior-
itate dispensat in suo præcepto, in posteriore
c Palud. & dispensaret in suo quidem, sed quod est Divi-
Cae. apud no, ut ita dicam, immistum, nam propterea
eundem. dotanda est limitatio, mox nu. 6. proferenda.
d Delugo

5. Et quidem recte Delugo d' querens, An
ibid. nu. 142. Summus Pontifex obligetur communicare
in Paschate, ait, probabile esse, quod si hanc
legem Ecclesiasticam communicandi in Pas-
chate, non omnino tolleret, quoad se, Pontifex, sed alteraret, quoad tempus, volendo,
quod determinatio temporis quoad se, esset,
pro aliqua vice, annus v. g. cum dimidio, non
peccaret graviter utique, quia dispensaret in
lege propria. Quasi dicat Delugo, potest Pon-
tifex differre, non vero præceptum tollere,
quia non potest tollere id, quod de præcepto
Divino est.

6. Ex qua doctrina vides, Summum
Pontificem posse quidem huic semper esu-
rienti Fideli, de quo loquimur, ne jejonus

communis, dispensare, dispensat enim in
proprio, id est, Ecclesiastico præcepto, ut alio-
modo Carolo V. dispensasse, etiam devotio-
nis causa, dixi ex Famiano in Opusc. de
Comm. c. 2. §. 8. nu. 46. At vides insuper non
posse eundem Summum Pontificem dispen-
sare, ut nunquam communicet, quia dispen-
satur in præcepto Divino: solum enim pos-
set, ut communionem pro aliquo tempore
differret, quia sic dispensaret, ut dictum est,
in Ecclesiastico.

Dico Secundò. Episcopum non posse dis-
pensare, ne quis non jejonus communicet,
multò minus propter prædictam originem à
præcepto Divino, ne quis communicet in Pa-
schate. Ratio est, quia haec sunt præcepta to-
tius Ecclesiæ à Conciliis, Summoque Ponti-
fice impositis, in quibus nihil potest Episco-
pus, qui est Papa inferior, ut est omnium vul-
gatae doctrina, nisi forte in aliquibus legi-
bus, quarum dispensationis necessitas fre-
quenter occurrit, ut in legibus de jejunio Ec-
clesiastico, de laborando diebus festivis, &c.
Tunc enim potestas dispensandi conceditur
Episcopis ob bonum, ac suavem regimen Fide-
lium. Cum ergo necessitas dispensandi in
duobus præceptis, de quibus præsens est di-
putatio, rarisime occurrit, Episcopis integ-
rum non est dispensare, & Eminentissimus
Cardinalis Rodulphus, eam dispensationem
merito concedere, recusat.

9. Sed fac, hominem illum continuato ci-
bo indigentem, uti remedio modo allato
communicandi post medium noctem, sive
per possibile, sive per impossibile nequaquam
potest, omni ne remedio carebit?

10. Respondeò. Si prædictus in periculo
mortis sit constitutus, jam poterit non jejonus
per modum Viatice communicare: Si est
fanus, jam tempus sufficerit recurrendi ad
Summum Pontificem, ut concedat saltem a-
liquoties, ut quanvis alias fanus, non jejonus
communicet. Si denique interim super-
veniant feræ Paschales, dum exspectatur
Pontificis rescriptum, ipse verò, nec est in pe-
riculo mortis, nec uti potest, (sicuri tu Me-
taphysice supponis) illo remedio comedendi
ante medium noctem, excusabitur à præcep-
to tunc adimplendo, tanquam ipsi tunc redi-
tto moraliter impossibili, seque tunc gerere
poterit, ac si esset in loco, ubi nullus est Sacer-
dos, nulla Eucharistia &c.

Atque hæc de Eucharistia Sacramento, in
præsentis tractatiuncula; cætera enim ad illud
pertinentia, latè, ut sepe monui, sunt peten-

da à nostris Opusculis de Communione, &
de Sacrificio Missæ.

FINIS DE EUCHARISTIA.

Laus Deo, Beatis. Virgini, ac B. Aloysio.

LIBER QVINTVS. DE SACRAMENTO POENITENTIAE.

MEMINERIS, Lector, Me de hoc Sacramento in Opusculo Methodi Confessionis multa scripsisse. Ea igitur solum, quæ ibi locum non habuerent, erunt hic nostro more, hoc est breviter explicanda.

CAPUT I.

Materia, Forma hujus Sacramenti, &
Dispositio præsentis Tractatus.

Materia remota.

1. **M**ateria remota Sacramenti Pœnitentiae sunt peccata, non quædem materia, ex qua, sed circa quænam illud versatur.
a. S. Th. 3.
p. q. 84.
ar. 2. &
Theologi
bic paf-
f. Trid. off
e. 4. c. 1. &
Can. propterea appellatur à Patribus Secunda tabu-
la post transfiguratum. Peccatum fictionis, ut vocant Theologi, (quod est illud, quo quis ad-
dultus sine debito dolore peccatorum a se commissorum, ad Baptismum forte accedit, vel accedit cum voluntate aliquod peccatum mortale committendi) est etiam materia hu-
jus Sacramenti Pœnitentiae, unde in Confes-
sione Sacramentali explicandum, ut alibi la-
tius probatum a nobis est in Tractatu Theologico de Sacramentis, quia hæc peccaminosa fæctio consummatur in aliquo posteriori à
Baptismo, prius enim intelligi debet Baptis-
mus constitutus, & deinde ejusdem prava

susceptio; Quamvis igitur voluntas malè suscep-
tiendi præcedat Baptismum: unde hæc non
est materia Pœnitentiae; ipsa tamen mala
susceptio Baptismum consequitur, ac materia
Pœnitentiae esse potest, & debet.

2. Peccata mortalia, alias confessa, & ritè
absoluta, ut item peccata venialia, sunt mate-
ria quidem sufficiens, & idonea hujus Sacra-
menti, sed non necessaria; illa enim jam remis-
ta supponuntur, hæc vero possunt aliis modis
remitti.

Materia Proxima.

3. Materia proxima sunt actus pœnitentis,
hoc est oris Confessio, Cordis contritio, Satis-
factio. Et cordis quidem Contritio non est
solitariè accipienda, sed ut sensibilis sit per
Confessionem. Satisfactio autem non est pars
essentialis, sed integralis, pertinens ad ejus
perfectionem, nec ita tamen, ut est cor, & ca-
put in homine, sine quibus persistere homo,
nullo modo potest, sed ut pedes, & manus,
quæ sunt partes hominis integrales secundario: potest enim hoc Sacramentum, quoad es-
sentialia, & quoad principales partes, conser-
vare Satisfactio, ut ostendit perpetua Ec-
clesiae praxis, quia absolvitur morti proximus,
quando nullam suscipere pœnitentiam, va-
let, per quam satisfaciat.

Formæ